

Guihaume, Toni, Pèire

Nicolas Saboly



www.chansonsdenoel.fr

Guihaume, Tòni, Pèire,
Jaque, Glaude, Micoulau,



www.chansonsdenoel.fr

Vous an jamai fa vèire
Lou soulèu que pèr un trau.



www.chansonsdenoel.fr

Venès vite, courrès vite,
Qu'aquesto fes,
Lou veirés
Tant que voudrés,
Pèr mai de dous o tres

Dins uno cabaneto,
Traucado de tout coustat,
Sènso ges de luneto,
Diéu fai vèire sa clarta.
E sa Maire, e sa Maire,
Qu'es auprès d'éu,
Lou soulèu,
Près de si péu,
Semblarié qu'un calèu!

Quand miejo-nue sounavo,
Soumihave tout-esca :
Noste gros gau cantavo :
Cacara! cacaraca!
Quaucun crido! quaucun crido!
Jan, lèvo-te!
Gros palet,
Abiho-te :
Escouto aquest moutet!

Sènso vèire persouno,
Au travers de moun chassis,
Ause l'Ange qu'entouno :
Gloria in excelsis!
Et in terra, et in terra,...
Tòu! patatòu!
Saute au sòu
De moun linçòu,
E courre coume un fòu

Ai vist, noun vous desplase.
Un Enfant dessus lou fen,
Un ome un biòu, un ase,
A l'entour d'uno Jacènt.
Que de joio! que de joio!
Dins aquéu liò
Fan triò,
E pèr ecò,
L'ase respond : Hi! ho!

Courrès, courrès, bregado!
Anas vèire coume iéu
La Vierge benurado
Qu'alacho leu Fiéu de Diéu
Faudra dire, faudra dire
Quauco cansoun,
Au Garçoun,
A la façoun
D' aquelo de soum-soum.